

Sambüt  
Yudás  
Nchih  
Nau bôk ăn bu gĩt lor

Nờm nchih sambüt dja rnha Yudás, mâu lah Yut, pãng nchih sambüt dja klăp lah ta năm 60, klăp lah 27 năm jêh Brah Yêsu dâk rêh. Pãng i oh Brah Yêsu (Mat 13:55; Mar 6:3), ndâp ma i oh Yakơ (Yak 1:1), pãng nchih njuăl sambüt dja ăn ma dâng lể phung nsing ma Brah Krist ta ăp ntük, bân mâu gĩt ôh ah ntük pãng gũ nôk nchih sambüt dja. Geh ôk nau khlay ta sambüt dja bời ma tâm ban ma nau khlay ta sambüt Pêtrôs rơh 2.

*Nau ứch ntrờng ta sambüt dja*

Ta sambüt dja Yudás đã phung nsing der bớh nờm nti i nti nau mâu di, i mâu ôh gũ rêh tâm di đah nau Kờanh Brah ứch (Yud 1:4-19), pãng đã phung nsing tâng nau nti i di (Yud 1:3, 20-24).

Mớh nau khlay ta nkỏ ta sambüt dja

- Nau ôp ueh lăng (1:1-3)
- Nuih n'hâm, nau ntũm nti, ndrel ma geh dôi h ma nờm nti nklă (1:4-16)
- Nau đã ăn geh nau nsing lơ ma hô nập (1:17-23)
- Nau nấnh êng êng (1:24-25)

*Nau ôp ueh lăng*

<sup>1</sup> Sambüt dja tă bớh gập Yudás i bunuyh sớm kớj jan kar ma\* Brah Yêsu Krist, ndrel ma gập dja i oh Yakơ đờng. Gập nchih sambüt dja njuăl ăn ma dâng lể bunuyh i Kờanh

\* 1:1 1:1: 'Bunuyh sớm kớj jan kar ma', mâu lah 'Dâk'.

Brah Bờ nơm lẽ kớih jêh, i Păng rống đống. Brah Yêsu Krist njrăng khân ay may.\* <sup>2</sup> Dẫn Kôranh Brah ăn nau yố, nau đấp mpăn, nau rống ma khân ay may ăn lơ ma ốk ngăn.

*Nơm nti nklă*

<sup>3</sup> Ở oh nô ta nau nsing i gập rống, gập nđơ hô ngăn ma nchih nau rklaih ăn ma khân ay may, nau rklaih i dăng lẽ bân lẽ geh jêh. Yơn ma gập mân iăt ma gập nchih ma nđơ a êng ăn ma khân ay may, đă khân ay may njrăng ngăn nau nti ma nau nsing bân. Kôranh Brah lẽ ăn nau i nây ma phung ðon lan Păng nơm, Păng mâu hôm ôh rgâl nau i nây jăt. <sup>4</sup> Gập đă kớ nhây yorlah geh bunuyh abă i lăp ntũng ta phung khân ay may, bunuyh i nây đjoh hô ngăn jan tih đah nau Kôranh Brah ứch, khân păng nti lah mâu chrao ôh lah jan tih ăp ntil, yor ma Kôranh Brah hôm yố tă bờh nau ueh Păng nơm. Khân păng tâm rdâng ma Brah Yêsu Krist i Kôranh bân du huê đơ. Bờh kăl e nơh lẽ geh nchih ma nau tể dôi h ma bunuyh kớ khân păng nây.\*

<sup>5</sup> Dăng lẽ nau i dja khân ay may lẽ ơm gĩt jêh, yơn ma gập dẫn hôm nka h khân ay may: Bờh kớ Kôranh Brah lẽ rklaih phung ðon lan Israel du lôh bờh bri Êsip nơh, jêh ri Păng lơh hêng lơi phung i mâu iăt ôh ma Păng ta phung i Păng lẽ rklaih i nây.\*

<sup>6</sup> Geh phung tông păr i jan rlau ma nau Kôranh Brah đă, jêh ri lôh bờh ntũk Kôranh Brah lẽ ăn khân păng gũ, Kôranh Brah kăt n'ho ro khân păng ma se rvăk krũng khân păng ta ndrung ngo, ăn kớp tăt đĩ nar Kôranh Brah phat dôi h, jêng nar i đũt kuống ngăn.\* <sup>7</sup> Kớ ndrĩ đống, nôk kăl e nơh, geh ðon Sôđũm, ðon Kômôra, ndrêl ma ðon êng êng

---

\* 1:1 1:1: Mat 13:55; Yak 1:1; 1Kô 1:2; Hêb 2:1 \* 1:4 1:4: Mat 7:15-16; 2Pê 2:1-3 \* 1:5 1:5: NKƠ 14:27-35 \* 1:6 1:6: 2Pê 2:4

jât i tâm dăch. Dâng lě bunuyh ta ðon i này leo bảl jan nau khơ kler, nau i tih ðah ma nau vay, jan tih kơt phung ðon lan Israel i này, ñđập ma kơt phung tông pảr i này ðồng. Dâng lě ðon i này Kôranh Brah n'gơh lơi ma ỹnh bớh kalơ trờk, jêng nau ntât say lor ma nau Kôranh Brah mra rmal tâm ỹnh hit n'ho ro.\*

<sup>8</sup> Kơt i này ðồng ảbơ dja mpôl bunuyh i nti lah mâu chrao ôh lah jan tih ăp ntil i này, khân păng lah, khân păng geh mớh tả bớh Kôranh Brah, ăn khân păng jan nớ bớ bớch sắ khân păng nờm. Khân păng mâu ỹch geh kôranh ma khân păng, ndrel ma mứch rmot phung tông pảr.\* <sup>9</sup> Bol lah geh du huê tông pảr rnha Mikel jêng kôranh tông pảr i dũt kuống, nờk păng tâm rlăch ðah Satăng i kôranh mpôl brah đjớh ma nau sắ Môsê i lě khât này nờh, păng mâu ôh bảnh ngơi mứch rmot, ndrel ma mâu ôh bảnh phat dôih Satăng, yờn ma păng lah đơm: 'Đăn Kôranh Brah lah may!' <sup>10</sup> Yờn ma mpôl bunuyh i này bêng ma leo bảl mứch rmot ma nớ êng êng, bol lah sắ khân păng nờm mâu ôh gĩt vât ma nớ i này. Moh nớ i khân păng lě ớm gĩt ta nuih n'hâm tâm ban ma mpômpa (siũm) i mâu gĩt nau đơm, jêh ri nau khân păng jan i này jan ăn sắ khân păng nờm roh hêng.\* <sup>11</sup> Rêh rnhăl ngăn ma khân păng. Khân păng lě hăn tâng trong Kain i bunuyh nkhât i oh păng nờm. Khân păng mbrôh bu gay ma geh prăk tâm ban ma Balam. Khân păng geh nau roh hêng tâm ban ma mpôl i tâng du huê rnha Kôrê i geh nau roh hêng yor ma tâm rdăng ðah Kôranh Brah ta rnôk Môsê kăl e nờh.\* <sup>12</sup> Nờk khân ay may gũ sông sa ndrel gay ma nhhơ nau rờng Kôranh Brah, khân păng jêng tâm ban ma nớ bớ bớch tâm ban ma geh ntăk ta bok ao i pih mâu hờm đơi

\* 1:7 1:7: NNT 6:1-5; 19:24-25 \* 1:8 1:8-9: 2Pê 2:10-11 \* 1:10 1:10:

2Pê 2:12 \* 1:11 1:11: 1Ti 6:3-5; 2Pê 2:2-3; NNT 4:8; NKơ 16:1-35; 22:5

kloh, sông sa iăt ma hơm ndũl khân păng nơm đơm, mâu geh ôh nau đit prêng. Khân păng mâu geh khlay jêng tâm ban ma n'hâm mih i mâu hoch mih i sial de dah ma rdu, tâm ban ma tơm si i mâu geh play ta khay play, rlau bớh nây jăt tơm si i lể rôk kloh reh lể khât ngăn.\* <sup>13</sup> Khân păng jêng tâm ban ma nchốch rbuh dak vắch dak vắ i dũt dắng, lỏh mpũnh, ndr đit prêng i khân păng jan say n'hêl tâm ban ma nau mpũnh i nây. Mâu ôh đơi nsing ma khân păng, khân păng jêng tâm ban ma mắnh i lể hiot ntũk, Kờranh Brah lể ndrắp jêh khân păng ma ắn ta ntũk ngo chềk kỏlắk n'ho ro!

<sup>14</sup> Jêh ri Hênỏk i sau Mahalêlêl jêng i sắn Ađắm i bunuyh tỏl nguai Kờranh Brah njềng nây, pắng jêng bunuyh ntoyh nau ngời Kờranh Brah, lể lah lor ma khân pắng kớt nđa: 'Uắnh hỏm! Kờranh Brah hắn ndrẻl phung kloh ueh Pắng nơm i dũt ỏk ngắn, mâu hỏm ôh blaỏ kớp,\* <sup>15</sup> gay ma phat dỏih dắng lể bunuyh, jêh ri tể dỏih dắng lể bunuyh tắng ndr đớh khân pắng lể jan ta nau i tâm rdắng ma Kờranh Brah, tể dỏih ma nau ngời đớh i phung bunuyh tih ngời tâm rdắng đah Kờranh Brah'. <sup>16</sup> Khân pắng i nây jềng bunuyh ỏk bắ nhắ sêk hỏ ngắn, nuih n'hâm mâu geh ôh rắm maak. Khân pắng gũ rềh jan tắng nau kớnh hỏ ir ma khân pắng nơm đóm. Nau mớh ngời khân pắng n'hi êng sắk dũt hỏ ngắn, ngời ueh ma bu gay ma geh ndr bu ắn ma sắk khân pắng nóm.

### *Nau ntính êng êng*

<sup>17</sup> Ố oh nô ta nau nsing i gắp rỏng, ắn khân ay may hỏm kah gắt hỏm nau mpỏl kờranh oh mon Brah Yêsu Krist i Kờranh bắn lể ỏm mớh nkoch a lor nớh. <sup>18</sup> Khân pắng lể

---

\* 1:12 1:12-13: 1Kỏ 11:20-22; 2Pê 2:13, 17 \* 1:14 1:14: NNt 5:21-24

lah: ‘Ta rnôk n'glê dūt† tay, mra geh phung ngơi mưch ma nau nsing bân, phung i nây jan tăng rnglay sắk khân păng nơm kơnh đơm, jêng ndơ i tâm rdâng đah nau Kôranh Brah ứch’.\* 19 Khân păng jan ăn geh nau tâm nkah mpôl ta phung khân ay may, khân păng jan tăng nuh n'hâm nau mân khân păng nơm kơnh đơm, mâu geh ôh Brah Huêng Ueh gũ ndrel ta khân păng.\* 20 Yơn ma khân ay may nây i phung oh nô ta nau nsing i gập rờng, ăn khân ay may tâm n'hao hồm nau nsing khân ay may nơm, gay ma nau nsing khân ay may lơ ma hô nập, jêh ri nau nsing i nây jêng ndơ Kôranh Brah ngấn ngên. Jêh ri ăn Brah Huêng Ueh i kloh ueh leo khân ay may ta nau mboh sơm.\* 21 Ăn khân ay may gũ nập ta nau rờng Kôranh Brah, ndrel ma gũ kộp nau yố ndach Brah Yêsu Krist nơm i Kôranh bân, tăt Păng ăn nau rêh n'ho ro ma khân ay may.\* 22 Đă khân ay may yố ndach ma phung abă i geh nau nsing ê hỏ nập. 23 Đă khân ay may kớ rklaih phung abă jăt, tâm ban ma uih mphỏk khân păng ăn klaih boh ứnh. Jêh ri phung abă êng, đă khân ay may yố ndach ma khân păng đờng, yơn ma ăn njrăng sắk nơm, klach lah đơi khân păng leo khân ay may jan tih, kớ ndri ăn biảnh dăng lể nau tih khân păng jan, tâm ban ma khân ay may bở bớch ma kho ao rmao bô chrỉ.

24 Ăn rnê nau chrêk lợp Kôranh Brah, Păng đơi njrăng khân ay may mâu jan tih mâu bah nsing, Păng đơi kớ khân ay may gũ ta boh nấp mắt Păng nơm i ntúk geh nau chrêk lợp, nôk nây khân ay may geh nau rắm maak dūt hô mâu geh ôh du nau ma nduih. 25 Ăn rnê nau chrêk lợp

† 1:18 1:18: Ta nau tâm rngláp mhe mboh ma bân, jêh Brah Yêsu hao sắt ta kalơ trỏk, tăt ma Păng pờ vắch, jêng rnôk n'glê dūt. \* 1:18 1:18: Mat

7:15-16; Rôm 16:17-18; Kôl 2:8; 2Ti 3:1-5 \* 1:19 1:19: 1Kô 1:10; 2Ti 3:2-5

\* 1:20 1:20: 1Kô 3:9-11; Rôm 8:26-27 \* 1:21 1:21: Yak 5:7

Păng, Păng dơm i brah ngănn ngên, Păng i năk rklaih bân yor ma Brah Yêsu Krist i Kôranh bân nơm. Nau chrêk lợp, nau dũt ueh, nau dơi, nau brah, lể ơm geh gũ ta Păng bớh ntơm saơm ngănn, tấtt ma abơ dja, nkre ma n'ho ro! Ở ănn geh kot nây ngănn ro<sup>‡</sup>.

---

<sup>‡</sup> 1:25 1:25: 'Ở ănn geh kot nây ngănn ro', mâu lah 'Amen'.

Nau Kôranh Brah Ngơi Nau Tâm Rnglăp Mhe  
Mnong, Central: Nau Kôranh Brah Ngơi Nau Tâm Rnglăp Mhe New  
Testament

Copyright © 2016 Wycliffe Bible Translators, Inc.

Language: Central Mnong

Contributor: Wycliffe Bible Translators, Inc.

All rights reserved.

2020-11-16

---

PDF generated using Haiola and XeLaTeX on 10 Feb 2021 from source files dated 6 Feb  
2021

e066eeff-60da-5ff7-9822-f65015bcd247